

53
SANCTISSIMI IN CHRISTO PATRIS
ET DOMINI NOSTRI


P I I

DIVINA PROVIDENTIA

P A P Æ VI.

EPISTOLA ENCYCLICA

Ad Patriarchas, Primates, Archiepiscopos,
& Episcopos Universæ Ecclesiæ
Catholicæ.



R O M Æ MDCCLXXVI.

Ex Typographia Rev. Camerae Apostolicæ.

P I

DIVINE VINDICATION

P A P E R

EPISTOLA

ad Petriarchas, Illustres, & Episcopos
Universitatis Cantuariensis
Catholicos.



L O M A MDCCCLXXVI

Ex Typographia Rev. Camer. Apostolica.

Venerabilibus Fratribus Patriarchis ,
 Primatibus , Archiepiscopis ,
 & Episcopis

PIUS PAPA VI.

VENERABILES FRATRES

Salutem , & Apostolicam Benedictionem .



INSCRUTABILE Divinæ Sapientiæ consilium , cuius semper mirabilia sunt opera , quemadmodum David natus minimum elegit inter mille , sustulitque de gregibus ovium , ut in excelso folio gloriæ positus populum suum regeret , atque in virga directionis Deo redderet acceptabilem ; sic adeo non sprevit humilitatem Nostram , ut quamvis in Purpuratorum Patrum Senatum novissimi omnium essemus adscripti , atque postremum locum teneremus , Nos tamen præ ceteris , qui Pontificio Diademate digniores videbantur , voluerit Episcopalis Officii habere Principatum , & ad tanti honoris sublimitatem erectos universæ Ecclesiæ suæ esse Rectores . Quam dignationem plane admirandam , & bonitatem in Nos immensam , quum taciti & grato Animi sensu assidue consideramus , a lacrymis temperare non possumus , be-

neſicientiſſimam illam Miſericordiam , ſimul atque Omnipotentiam perpendentes , qua in eum munera ſua contulit ampliſſime , in quo nulla meritorum ſuffragia invenit ; conſtituens Nos infirmos , & immerentes in Caput Gentium , ut æterni Paſtoris Vicariam Procuracionem gerentes in Terris , paſceremus Iſrael hæreditatem ſuam , eamque adduceremus in Montem Sanctum Sion , Cæleſtem Hieruſalem . Et quoniam maxime convenit , ut obſequium Noſtrum , & oblatio conſecrati Pontificis a Sacrificiis Dominicæ laudis inchoetur ; non poſſumus non erumpere in voces exultationis , conſistentes Domino , & clamantes cum Propheta (a): Laudem Domini loquatur os Noſtrum ; & nomen Sanctum ejus Anima Noſtra, ac Spiritus, Caro, & Lingua benedicat . At ſi religioſum eſt gaudere de Dono ; neceſſarium eſt etiam trepidare de merito . Quid enim tam pavendum , quam labor fragili, ſublimitas humili, dignitas non merenti ? (b) .

Quem non terreret præſens Chriſtiani Populi ſtatus , in quo Divina illa Caritas , qua in Deo manemus , & Deus in nobis , plurimum refrigeſcit ; ſcelerà autem , ac iniquitates magis in dies invaleſcunt ? Cujus non obrueret animum graviffima illa confideratio , quod Eccleſiam Chriſti Sponſam cuſtodiendam , ac tuendam ſuſcipimus ſeo tempore , quo Orthodoxæ Religioni tot ſtruuntur inſidiæ ; quo ſalutaris Sacrorum Canonum norma tam impudenter contemnitur ; quo denique turbulenti homines immani quadam novitatum pruriginè furentes vel ipſa rationalis Naturæ

(a) Pl. cxliv. 31.

(b) S. Leo M. Serm. I. Cap. II. & Serm. II. Cap. I. poſtr. Venetæ Edit. FF. Ballerſa.

adgredi non dubitant fundamenta , atque item conantur , si fieri posset , subvertere ? Profecto *in hac tanta materia trepidationis nulla Nobis esset dependendæ fiducia servitutis , nisi non dormitaret , neque obdormiret qui custodit Israel , & qui Discipulis suis ait = Ecce ego vobiscum sum omnibus diebus usque ad consummationem sæculi ; nisi dignaretur non solum Custos ovium , sed ipsorum etiam Pastor esse Pastorum (a) .*

Quoniam vero tunc maxime, & abundantius in Nos munera divina descendunt, quum Nostri ad Deum adscendit Oratio ; Vos, VENERABILES FRATRES, Adjutores , & Consultores Nostros nunc primum adlocuturi, illud etiam in primis a Vobis magnopere expetimus pro ea, qua in Domino unum sumus , Caritate , proque ea Fide , qua in unum Corpus coalescimus , ne cessetis quotidianis obsecrationibus vestris instare enixius apud Deum , ut confortet Nos in potentia Virtutis suæ , effundatque super Nos Spiritum Consilii , Spiritum Fortitudinis , quo inter tot rerum , ac temporum difficultates , & quæ agenda sint , videamus , & ad implenda , quæ viderimus , convalescamus . Orate igitur in Spiritu ; & sit Oratio vestra , & Invocatio erga Nos amoris , & fraternæ conjunctionis probatio certissima . Atque ut promptius , quod Nobis necessarium est , impetremus , Sanctissimæ Dei Genitris Mariæ , cujus Patrocinio maxime confidimus , totiusque cælestis Curiae merita interponite ; præsertim vero tutelam Nobis , & præsidium implo-
rate Beatissimi Petri Apostoli , *cujus Sedi non tam præfidere , quam servire gaudemus , sperantes orationibus ipsius esse præstandum , ut Deus Misericordiarum Mini-*

(a) Id. S. Leo Serm. V. al. IV. Cap. II.

ſterii Noſtri tempora benignus aſpiciat, Paſtoremque ovium ſuarum cuſtodire ſemper dignetur, & paſcere (a).

Jam vero hoc ipſo aſumptæ a Nobis Apoſtolicæ Ser-
vitutis initio, quanto poſſumus Paternæ Caritatis ſtudio,
Vos, VENERABILES FRATRES, excitamus, & commonemus,
ut fideles habeamini Diſpenſatores Myſteriorum Dei.
Vos, quorum pars Dominus eſt, non ignoratis quid Vos
facere oporteat, quos labores pro Eccleſia Dei ſuſtine-
re, ut fortiter impleatis Miniſterium Veſtrum. Horta-
mur itaque Vos, atque obſecramus, ut ſuſcitetis Gra-
tiam, quæ eſt in Vobis per impoſitionem Manuum; nec
quidquam prætermiſſum velitis, quod ad augmentum
ejus Corporis pertineat, *quod compactum ex Chriſto eſt, &
connexum per omnem juncturam ſubminiſtrationis (b)* in Fi-
de, & Caritate. Quamobrem quum ſatis perſuaſum Vo-
bis omnibus arbitremur, præcipuum Eccleſiæ Bonum
ex eo derivari, ut nemo, niſi per omnia probatus Cle-
ricali adſcribatur Militiæ; neceſſe non eſt, ut eorum,
quæ in hanc rem Sanctionibus ſunt conſtituta Canoniciſ,
diligentiſſimam Vobis commendemus obſervationem.
Pro eo enim, quo incenſi eſtis ſtudio, id adcuratiſſime
perficietis, ut qui ſanctitate morum non præſtant, qui
docti in Lege Domini non ſunt, qui demum aut nullam,
aut tenuiſſimam de ſe, ſuaque induſtria præbent expe-
ctationem, illis ad Eccleſiaſticam Militiam nullus pa-
teat aditus; ne qui Vobis manus debent adjutrices in pa-
ſcendo, regendoque Grege exhibere, ii labori Veſtro
addant laborem, moleſtiam moleſtiæ, ſintque Vobis
impedimento, ne eos Vineæ fructus Dominus a ſuis
Cultoribus accipiat, quos in futuri retributione Judici-
a Vo-

(a) S. Leo ibid. Cap.V.

(b) Ad Ephelios IV. 16.

a Vobis severissimus æque, ac justissimus exactor Christus requireret. Sanctitate præcellat oportet, & doctrina, qui Sacerdos est futurus; repellit quippe a se Deus, ne Sacerdotio sibi fungantur, qui scientiam a se repulerint, nec Operarius ad Messum par, aptusque esse potest, qui morum pietati scientiarum non conjunxerit studia. Quod quum fieri sine adcurata institutione non valeat, eapropter opportune decretum est, ut in unaquaque Diœcesi Clericorum Collegium pro modo facultatum, si deesset, institueretur; institutum autem studiosissime conservaretur. Nisi enim a teneris annis ad Pietatem & Religionem informetur, atque in Litterarum Palæstra exerceatur ad lubricum iter prona ac proclivis Adolescentium ætas; quo pacto fieri poterit, ut vel in Disciplina Ecclesiastica sancte perseveret, vel eos in humanis, ac sacris Litteris progressus faciat, quos ad populi fidelis exemplum, atque institutionem Ministerium Ecclesiæ postulat? Collegia hujusmodi recte instituta, sancte conservata studio vestro, atque aptissimis Legibus diligenter communita, multoque magis quam antea amplificata esse in singulis Diœcesibus facile Nobis persuademus; præsertim posteaquam immortalis memoriæ Benedictus XIV. Prædecessor Noster id operis, tamquam muneri Vestro pernecessarii, unicuique Vestrum tantopere commendavit (a). Quamobrem sicuti Apostolicæ laudationis præconio eximios labores, ac diligentiam in iisdem colendis, augendisque fraudare non possumus; ita, si forte in aliqua Diœcesi aut instituta adhuc non essent; aut otiosa detinerentur, non possumus non vehementer eos, ad quos spectat, impellere,

(a) Epist. Encycl. Ann. 1741.

lere, illisque etiam præcipere, ut in rem adeo utilem omni virtute enitantur.

Ob eandem causam suspicari non licet, quin id, quod maxime Fidelium animos commovere, atque in sacrarum rerum venerationem solet adducere, decorem videlicet Domus Dei, & eorum, quæ Divino cultui sunt addicta, nitorem, dignitatemque omni tempore adprime curetis. Quam absoum esset Episcopi Domum mundiorum esse, & elegantius ornatam, quam sit Sacrificii Domus, Sanctitatis Hospitium, Aula Dei vivi? Quam absurdum Sacras Vestes, Altarium ornamenta, atque universam Supellectilem vel vetustate squallentem, & conscissam, vel sordibus foedatam intueri; Mensam autem Episcopi splendide paratam, Sacerdotis indumenta nitidissima, & ad multam venustatem composita? *Quanta confusionis opprobrium est*, ut præclare scripsit S. Petrus Damiani, (a) *quod nonnulli in squallido lintheo Dominicum Corpus & offerant, & involuant; & quod non dignaretur Potens quilibet, qui tamen Vermis est, propriis adhibere labiis; in hoc isti Corpus non verentur imponere Salvatoris!* At Vos certe quidem, VENERABILES FRATRES, ab hujus negligentiae crimine disjunctissimos existimamus, cui obstrictos maxime vult Sanctus idem Cardinalis ens, qui ex acquisitis Ecclesiæ Bonis non *Codices* emunt, non *ornamenta*, non *utensilia suis Ecclesiis* comparant; sed in suos usus quasi *necessitudinis sumptus* cuncta prodigere non perhorrescunt.

De his igitur Vobiscum amanter loqui, VENERABILES FRATRES, non inutile esse putavimus ad optimæ voluntatis Vestræ confirmationem. At multo gravius aliquid ser-

(a) Lib. IV. Epist. 14. Tom. I. Opp. Edit. Rom. 1606.

Sermonem Nostrium, seu potius NostRARUM vim lacrymarum exquirat, & vindicat; pestilens nimirum ille morbus, quem Nostrorum temporum nequitia parturit; ut unanimes, conjunctisque viribus necessariam adhibeamus medicinam, ne dissimulatione NostRA insanabilis in Ecclesia nutriatur, atque excrescat pestilentia. Videntur enim novissimis his diebus instare *tempora illa periculosa*, de quibus prænunciavit Apostolus Paulus; (a) quando nempe erunt *homines se ipsos amantes, elati, superbi, blasphemæ, proditores, voluptatum amatores magis quam Dei, semper discentes, & nunquam ad scientiam veritatis pervenientes, habentes speciem quidem pietatis, Virtutem autem ejus abnegantes, corrupti mente, reprobi circa fidem*. Hi se erigunt in Magistros *mendacissimos*, ut eosdem appellat Apostolorum Princeps Petrus, atque introducunt sectas perditionis; & eum, qui emit eos, Dominum negant, superinduentes sibi celerem perditionem. Dicunt se esse sapientes, & stulti facti sunt; & obscuratum est insipiens Cor eorum. Quam multos plena fallaciis jactet ubique triumphos Philosophia, ea nimirum quæ tam honesto vocabulo suam abscondit impietatem, quantaque facilitate ad se trahat adliciatque Populorum multitudinem; Vos ipsi bene prospicitis, qui Speculatores constituti estis in Domo Israel. Dogmatum iniquitatem ac nequissima deliramenta, quæ insinuat, quis aut dicendo persequi poterit, aut cogitando comminisci? Dum videri volunt sibi quærere hujusmodi homines Sapientiam, *quia non rite quærunt, prolabuntur longius; & in vanos errores incidunt, ut etiam communem sapientiam non*

10

(a) II. ad Timoth. III.

teneant . (a) Atque equidem eo usque deveniunt , ut impiissime effingant , aut non esse Deum ; aut otiosum esse & desidem , nihil nostra curantem , nihil hominibus revelantem ; ut proinde mirandum non sit , si quidquid Sanctum , atque Divinum est , blaterent esse inventum atque excogitatum ab imperitorum hominum mentibus , inani futurorum metu perculsis , & vana immortalitatis spe illectis . Sed fraudulentis isti sapientes tantam Dogmatum perversitatem iis verborum , ac sententiarum lenociniis emolliunt , & occultant , ut infirmiores , qui plurimi sunt , quasi quadam esca capti , miserandum in modum irretiti , aut fidem prorsus abiiciant , aut certe labefactari magnopere sinant ; dum quasi præclaram aliquam scientiam consectantes aperiunt oculos ad falsam eam lucem hauriendam ipsis tenebris deteriore . Nimirum hostis Noster nocendi cupidus , & peritus , sicut decipiendis primis hominibus ministerium sibi serpentis adsumpsit ; ita horum Linguas , Linguas sane dolosas , a quibus Animam suam liberari postulat Propheta (b) , ad seducendos Fidelium animos veneno suæ falsitatis armavit . Itaque suo hi sermone *humiliter irrepunt , blande capiunt , molliter ligant , latenter occidunt* . (c) Quanta hinc in moribus corruptio , quanta in cogitando loquendoque licentia , quanta in omni actione arrogantia , & temeritas ! Et vero his offusis tenebris , atque evulsa e cordibus Religione , id præterea adgrediuntur perditissimi hi Philosophi , ut quibus homines vinculis inter

(a) Laſtant. Divin. Inſtit. lib.III. Cap.28. Edit. Pariſ. 1748.

(b) Pf. CXIX. 2.

(c) S. Leo M. Serm.XVI. , al. XV. Cap. 3.

se , atque cum Dominantibus conjunguntur , & in officio continentur , ea omnia dissolvant ; liberum hominem nasci ad nauseam usque clamitant , regeruntque , nec cujusquam obnoxium imperio ; Societatem propterea multitudinem esse hominum ineptorum , quorum se prosternat stupiditas coram Sacerdotibus , a quibus decipiantur , coram Regibus , a quibus opprimantur , adecut concordia inter Sacerdotium & Imperium nihil sit aliud , quam immanis conspiratio contra insitam homini libertatem . Quotus autem quisque non videt hujusmodi deliramenta , atque horum similia multis simulationum involucris contecta , tanto majorem quieti & tranquillitati publicæ adferre perniciem , quanto tardius Auctorum coercetur impietas ; Animabus vero Christi sanguine redemptis eo esse graviore detrimento , quo , ut Cancer , Sermo eorum latius serpit , atque se intrudit in publicas Academias , in Magnatum Domos , in Aulas Regum , & , quod horrendum dictu prope est , etiam in Sanctuarium se insinuat ?

Vos propterea , VENERABILES FRATRES , qui estis Sal terræ , Custodes Dominici Gregis , & Pastores , quorum est præliari prælia Domini , exsurgite , & accingimini gladio Vestro , qui est Verbum Dei ; atque a finibus Vestris improbam contagionem depellite . Quousque tandem communem Fidei , & Ecclesiæ contumeliam dissimulamus ? Tamquam clamantis Christi Sponsæ gemitu Nos excitari putemus illis Bernardi Verbis : (a) *Olim prædictum est , & nunc tempus impletionis advenit : Ecce in pace amaritudo mea amarissima ;*
ama-

(a) Serm. XXXIII. super Cantic. n. 16. Tom. IV. Opp. Edit. Paris. 1691.

amara prius in nece Martyrum , amarior post in conflictu Hereticorum , amarissima nunc in moribus Domesticorum Intestina est plaga Ecclesiæ ; & ideo in pace amaritudo mea amarissima . Sed in qua pace ? & pax est ; & non est pax . Pax a Paganis , & pax ab Hereticis ; sed non profecto a Filiis . Vox plangentis in tempore isto : Filios enutrivì , & exaltavi ; ipsi autem spreverunt me . Spreverunt , & maculaverunt me a turpi Vita , a turpi quæstu , a turpi commercio , a negotio denique perambulante in tenebris . Lacrymosis his quæstibus pientissimæ Matris quis se commoveri , atque impelli vehementer non sentiat ad præstandam omnem suam , quam Ecclesiæ arctissime pollicitus est , industriam atque operam ? Vetus igitur fermentum expurgate ; auferre malum de medio Vestri , idest venenatos Libros ab oculis Gregis magna vi & sedulitate extorqueate ; Animos autem infectos prompte fortiterque segregate , ne sint ceteris nocumento . Aliter enim , agebat Sanctissimus Pontifex Leo , (a) Nobis commissos regere non possumus , nisi hos , qui sunt perditiores , & perditiores , zelo fidei Dominicæ persequamur ; & a sanis mentibus , ne pestis hæc latius divulgetur , severitate qua possumus , abscindamus . Qua in re perficienda Vos hortamur , obtestamur , & monemus , ut quemadmodum in Ecclesiâ una est Fides , unum Baptisma , unusque spiritus ; sic unus omnium Vestrum sit Animus , & concordia individua , una eademque & jugis contentio ; & qui juncti estis institutis , pari etiam Virtute , ac voluntate conjungamini . De summa re agitur , quia agitur de Fide Catholica , de Ecclesiæ puritate , de Sanctorum Doctrina , de tran-

(a) Ep. VII. al. VIII. , ad Episc. per Italiam cap. 2.

tranquillitate Imperii, de salute Populorum. De eo agitur, quod ut ad universum Ecclesiæ Corpus, sic ad Vos maxime pertinet, qui Pastores estis in partem sollicitudinis Nostræ vocati, & quorum vigilantia puritas Fidei est singulariter commendata. *Nunc itaque, Fratres, quoniam Vos estis Episcopi in Populo Dei, & ex Vobis pendet Anima illorum, ad eloquium Vestrum corda eorum erigite, (a) ut stent in fide, & ingredi valeant in illam requiem, quæ solis Credentibus parata esse dignoscitur. Obsecrate, arguite, corripite, increpate, nolite timere; indiscretum quippe silentium hos, qui erudiri poterant, deserit in errore, illis, & Vobis, a quibus depelli debebat, damnosissimo. Sancta Ecclesia tunc valentius in veritate reficitur, quum ardentius pro veritate fatigatur; neque in divino hoc opere aut potentiam Adversariorum, aut gratiam pertimescatis. Absit timor ab Episcopo, quem unctio Sancti Spiritus roboravit: Absit a Pastore metus, quem Princeps Pastorum suo docuit Exemplo vitam ipsam pro salute Gregis contemnere: Ab Episcopali pectore, absit vecordia mercenarii, & abjectio. Egregie pro more suo Magnus ille Antecessor Noster GREGORIUS (b), Ecclesiarum Præsides erudiens, inquebat: *Sæpe Rectores improvidi humanam amittere gratiam formidantes, loqui libere recta pertimescunt, & juxta veritatis vocem, nequaquam jam gregis custodiæ Pastorum studio, sed Mercenariorum vice deserviunt; quia veniente Lupo fugiunt, dum se sub silentio abscondant. . . . Pastori enim recta simuisse dicere, quid est aliud, quam tacendo terga præbuisse? Quod si nequissimus humani generis hostis, quo**

(a) Judith. VIII. 21.

(b) Reg. Pastor. Part. 1. cap. 4. Tom. II. Opp. Edit. Paris. Monach. S. Mauri.

conatibus Vestris acrius obsistat, illud aliquando efficiet, ut Religiosis Sæculi Potestatibus abscondita sit grassantis morbi pestilentia; ne quæso concidatis Animo, sed ambulate in Domo Dei cum consensu, cum oratione, & veritate, quæ sunt Arma Militiæ Nostræ. Mementote, quod contaminato Judæ Populo, nil ad illius purgationem aptius visum est, quam ut Liber Legis, quem paulo ante invenerat Helcias Pontifex in Templo Domini, cunctis a Parvo ad Maximum audientibus, promulgetur; & statim consentiente universo Populo, abominationibus destructis, *fœdus percussum coram Domino est, ut ambulaarent post Dominum, & custodirent præcepta ejus & testimonia, & caeremonias in omni corde, & in tota anima* (a). Non dissimili ratione Sacerdotes & Levitas misit Josaphat, qui habentes Librum Legis circumirent Civitates Judæ, atque erudirent Populum (b). Vestræ Fidei, VENERABILES FRATRES, divini Verbi promulgatio non humana, sed divina est auctoritate commissa; Congregate ergo Populum, adnunciantes illi Jesu Christi Evangelium; atque e divino illo penu, e cælesti illa doctrina succum veræ Philosophiæ in Vestrum quisque Gregem derivate. Suadete subditis servandam esse Fidem, & exhibendum obsequium illis, qui Dei Ordinatione præsunt & imperant; Date addictis Ecclesiæ Ministerio documenta Fidei, continentiæ, sobrietatis, scientiæ, ac liberalitatis, ut placeant ei, cui se probayerunt; nihilque præferant, nisi grave, moderatum, ac religione plenum. Super omnia autem in cunctorum Animis ignem mutux illius Caritatis accendite, quam tam sæpe, tamque singulariter Christus Dominus commen-

da-

(a) IV. Reg. XXII. & XXIII. 3. O. 11. (b) II. Paralipom. XVII. 7. sequ.

davit, quæque una est Christianorum Tesseræ, & Vinculum perfectionis.

Hæc sunt, VENERABILES FRATRES, de quibus potissimum Vos adloqui in Domino cupiebamus; & quæ a Vobis ardentissimo studio, & omni contentione expectimus, ut proprio experimento probemus, quam jucundum sit Nos omnes unanimes esse in fideliter servando Deposito custodiæ Nostræ concredito. Ast peccatis Nostris impediens, consequi illa eadem non possumus, nisi cito anticipent Nos misericordiæ Domini, qui præveniat propitius suis Benedictionibus. Quapropter, ut expeditius introeat in conspectu ejus communis Oratio Nostra, & ipse reconcilietur Nobis, & adjuvet infirmitatem Nostram; quo tempore has Litteras Vobis mittimus, eodem alias damus, quibus Universis Christifidelibus JUBILÆUM concedimus, sperantes in Eo, qui est miserator, & misericors, ut sicut dedit Nobis ligandi ac solvendi potestatem in Terris ad ædificationem sui Corporis; sic & Vobis, & Vestris Gregibus ad salutem sit largiturus, ut ab omni semper errore, alieni de virtute in virtutem proficiatis. Quod plane ex Animo adprecamur, dum Apostolicam Benedictionem Vobis, Populisque Curæ Vestræ commissis amantissime impertimur.

Datum Romæ apud Sanctum Petrum die xxv. Decembris MDCCLXXV. Pontificatus Nostri Anno Primo.

HOMILIA

Sanctissimi Domini Nostri

PII

DIVINA PROVIDENTIA

PAPÆ SEXTI

HABITA IN BASILICA VATICANA


Dominica XVIII. post Pentecosten

Die 29. Septembris 1776.


IN CONSECRATIONE

REV.^{MI} P. D. JOSEPHI BENI

EPISCOPI CARPENTORACTENSIS



ROMÆ MDCCLXXVI.



Ex Typographia Reverendæ Camerae Apostolicæ.

А. И. МОИ

2nd June 1942

119

DIVISION 22

29 A 9

REFERENCES

Dove

50

IN COMPLETION OF THE

REV. B. J. FORD, JR.



R. O. M. E. MEDICAL TV.

$\Delta L = 450 \text{ V} \cdot \text{A} \cdot \text{h} = 450 \cdot 1000 \cdot 3600 \text{ J} = 1.62 \cdot 10^9 \text{ J}$

...and the



AGNAM tunc Nos percepimus
lætitiâ, cum Te, VENERA-
BILIS FRATER, intelleximus
a Deo admonitum, atque
inductum, ut Nostris acquie-
sceres hortamentis, tuam-
que voluntatem iudicio Nostro conjungeres
in acceptione Episcopalis Cathedræ Carpen-
toractensis. Hodie vero geminata perfundi-
mur jucunditate, cum Tibi manus imposui-
mus, ut Pontificalis Officii gratiam recipe-
res. Nos quidem vehementer cupiebamus,
ut in illius Ecclesiæ Pastorem eligeremus eum,
qui Clerum & Populum Carpentoractis ab-
duceret a doloris acerbitate ob dimissam a
VEN. FRATRE Josepho Vignolio Ecclesiam illam;

& modo certi sumus, Te in ejus præclaris
 consecrandis vestigiis illorum desiderio ma-
 ximum esse solatium allaturum. Quoniam
 vero uti Ager licet pinguis & fertilis in dies spi-
 nas gignit, ac tribulos, nisi accurata atque
 assidua cultura subigatur; ita Populus quan-
 tumvis bene institutus, cultura intermissa,
 facile pristinum formæ decus amittit: Te id-
 circo delegimus, VEN. FRATER, Tibique il-
 lum Episcopatum ultro committimus, quem
 votis Nostris egregie responsurum non dubi-
 tamus. Tu enim præterquam quod ex illu-
 stribus Majoribus ortus es, inter quos præ-
 cipue emicat Paulus Benius, omni Litterarum
 cognitione, & Orationis puritate, ac elegan-
 tia clarissimus, cujus ingenii superfluum est
 indicem texere, cum tot sint ejus laudes, quot
 sunt Operum suorum Volumina publicis ty-
 pis ad immortalitatem consignata; Tu ipse
 propria non minus laude, tuisque meritis com-
 mendaris, ac flores: Qui nimirum a primis
 annis prætulisti decus quoddam pietatis, ac
 plenam honestatis imaginem; ut ad Episco-
 patum jam tum designatus videreris, cum
 sub domestica consuetudine Jacobi Patruj tui,
 Episcopi Fanensis, præceptis erudiebaris: Qui
 denique in negotiorum tractatione, ut Nos
 plu

pluries experti sumus , miram diligentiam , summamque laboris tolerantiam præstitisti . Itaque in tam illustri , ad quam accedis , Ecclesia , cum & ætate vigeas , & pietate incendaris , Campum nactus es amplissimum , in quo Virtus tua possit excurrere . Habet enim Carpentoraectenſis Episcopus non solum Cathedralæ splendorem , sed quædam etiam publicæ administrationis totius Noſtri Vindaſcini Comitatus jura præcipua , quæ ipsius attollunt Dignitatem ; ut proinde æquo animo debeas & Natale solum relinquere , & a Propinquis abesse , cum in eam tranſeas Regionem , in qua , etsi longinqua , multas tamen reperiturus es commoditates , & plenas honoris prærogativas . Sed quorſum hæc commemoramus humanæ Vitæ oblectamenta ? Cum ad bene beateque vivendum totus Mundus unus sit locus ; & Apostoli ut sal Terræ dispersi , ad purgandum , & condiendum in remotas Provincias transmigrarint .

Scimus plane nihil esse in hac Vita , & maxime hoc tempore , ut aiebat Augustinus , difficilior , & periculoser Episcopi officio ; Sed æque ſcimus , quod ſubdidit idem Sanctus Doctor , nihil apud Deum gratius esse , si eo modo militetur , quo Magister Noſter Chriſtus Domi-

nus imperavit . Præsidet Episcopus designato sibi Gregi , & altiore confidet loco ; sed omnium cogitur subesse judiciis , ut plerumque quæ ab Eo errata non sunt , ab aliis reproben-
 tur , excitata etiam a factiosis indomitisque Zelotis in omnes Ordines commotione : Sed licet fluctibus mancipemur , fluctibus tamen non demergemur . Recreant Nos verba Joannis docentis : *In hoc Mundo tribulationem habebitis ; sed bono animo estote , quia Ego vici Mundum* : Ac proinde Nos confirmat Magnus Pontifex Leo , scribens ad Rusticum Narbonensem Episcopum : *Quod nullis debemus scandalis infirmari , ne electioni Dei videamur ingrati , cujus tam potentia sunt adjutoria , quam vera promissa* . Contemne itaque Seculum , VENI FRATER ; & quid hodie per Nos Dei munere es adeptus , diligenter cogita , & meditare . Jam enim intelligis , ac vides Christianam Fidem errorum , ac vitiorum dominatu vexari ; atque ab externis , domesticisque hostibus omnibus impietatis Machinis oppugnari , affidueque ad cadendum impelli . Quid enim quotidie agitur , & contenditur multiplici illa nefariorum Librorum colluvie , nisi ut plurimi in Ecclesiæ gremio nati , atque educati , tot testimoniis , tot miraculis , tot Sa-

(VII)

cramentis confirmati, Christo resistent, Christum abjiciant, & teterrimis opinionibus varie insanientes credula ingenia diabolicis laqueis misere implicant, atque innectant? Sed etsi Ecclesiam suam unus, qui omnia potest, fulciat ac sustineat Deus; tamen maximam esse voluit in ea tuenda Episcoporum operam, ac præcipuum eorum munus esse jussit, *docere ad redargutionem, ad correctionem, ad institutionem*. In hoc igitur summo gravissimoque negotio primam, ac potissimam curam, & sollicitudinem adhibere Te oportet; assumptis etiam Viris pietate scientiaque probatis, quorum consilio Pastorale munus strenue adoriaris. Si non multos, at aliquos certe invenies, qui a recta credendi ratione prolapsi, omni standi facultate privati, ad instar *bodierni Paralytici Evangelici*, in errorum lecto decumbunt. Ast Tu Magistri exempla sequendo, Divini Numinis viventis, ac regnantis claritatem iisingere, ac demonstra, & validiorum hominum auxilio ad Christum deferri cura; ut Valetudine recepta, integri, ac Fidei societate Tecum conjuncti, pedibus suis se in Domum læti recipiant. Præ ceteris autem vigila, atque omne studium confer in electum Professorum, qui Scholis præsumt; ne illi

(VIN)

illi scilicet a gravitate Moralis disciplinæ deficiant, neu vanis & pestiferis inserviant. Quæstionum novitatibus, neve alios deinde malitiæ fermento corrumpant: Sed iis moribus, ea doctrina sint præditi, ut iisdem pueritia, atque adolescentia recte committi ad institutionem possit, a qua Tibi semper idonei ad Vineam Domini colendam sufficiantur Operarii. In hoc Tibi ipse velimus non desis, nec molliter cedas; sed eversa Hierosolymæ moenia erigens, altera manu gladium stringe, altera opus perface. Hæc eruditus olim Vir præcipue videnda, ac ponderanda proposuit eximio Prædecessori Tuo (a), cujus nomen omnem superat laudationem; Jacobo nimirum Cardinali Sadoletto, qui Ecclesiæ Carpentoractensi tamdiu ad ipsius præfuit felicitatem. Hæc dum Tibi eidem Ecclesiæ præfuturo in memoriam redigere, atque inculcare pro rei gravitate opportunum judicamus, una etiam conjungimus ea, quæ tamquam a Domo tua profecta ad Te præsertim pertinere, Teque maxime debent permovere; quæ nimirum cum prudenti agendi ratione sapienter insinuatæ fuerunt a laudato Agnato Tuo Paulo, cum pro alio scriberet ad Franciscum Gonzagam

(a) Epist. 9. in Appendic. Epistolar. Jacob. Sadolet. collect. a Vincent. Alexand. Constantio.

Episcopum Mantuanum . *Magnum quidem , ait ille , atque præclarum in Vineâ Domini laborare , atque ad Animarum salutem incumbere ; præclarius hanc Zelo , & Caritate procurare ; Verum longè maximum , ac præclarissimum est , id munus intelligenter , caute , prudenterque administrare . Quid enim , obsecro , refert diurnos , nocturnosque labores , atque vigilias ad nobile opus conferre , nisi rationem , ac viam teneas , qua id rectè utiliterque instituas , & peragas ? ... Ego sane , quem admodum præclare omnino a Magno Dionysio illud pronunciatum existimo , hominum saluti operam dare esse Divinorum omnium divinissimum ; ita etiam tum demum Divinum hoc præceptum , ac documentum expleri , ac perfici posse arbitror , cum ad laborem Caritas adjungitur Comes , ad Caritatem Intelligentia , atque Doctrina Dux , & Moderatrix accesserit . Immo vero , quemadmodum auctoritas in Dominico Grege administrando , Caput est , ac vertex , & sine qua nihil rite ædificaveris . . . ; ita etiam nisi quis quando , quomodo , & quatenus hoc , vel illud agendum , jubendum , prohibendumve sit , rectè perspexerit , ac summam de suæ auctoritatis vi , loco , personis , opportunitate omnino edoctus fuerit , inaniter ædificat ,*

ficat, sæpe etiam exædificata evertat necesse est. (a).

Hæc Benius Tuus; qui cum paucis universam Ecclesiastici Regiminis normam complexus sit, Nos ulterius progredi necesse haud est, cum ea præsertim delibaverimus monita, quibus Populi ab illa, quæ hodie invaluit, ac quodammodo triumphat, vivendi, credendique corruptione, revocentur. Interea quod a propensa Nostra voluntate, & benevolentia promeritus es, id tuæ virtuti acceptum Nos referimus; ac ut omnino credas cupimus, suasum Nobis esse, Talem in Te præfecisse, Episcopum, qualem perturbata hæc Christianæ Reipublicæ tempora postulant.

(a) *Epist. 15. inter Epistol. & Præfation. Paul. Benii Eugubini.*

